

EKONOMSKO- SOCIJALNO VIJEĆE ZA TERITORIJU FEDERACIJE BOSNE I HERCEGOVINE

Broj: 03-34/14-2078/15
Sarajevo, 22.09.2015. godine

ZAPISNIK

sa 3-(104) sjednice Ekonomsko-socijalnog vijeća za teritoriju Federacije Bosne i Hercegovine, održane dana 22.09.2015.godine u 14 sati.

Sjednicom predsjedava Edhem Biber, predsjednik Ekonomsko-socijalnog vijeća.

Prisutni predstavnici Vlade: premijer Fadil Novalić, ministri Jelka Miličević, Šemsudin Dedić, Amir Zukić i Denis Lasić

Prisutni predstavnici Poslodavaca: Safudin Čengić, Mladen Pandurević, Mirsa Tuće, Edin Ibrahimpašić, Predrag Čović, Selim Babić i Tomislav Slišković

Prisutni predstavnici Sindikata: Ismet Bajramović, Selvedin Šatorović, Salih Kruščica, Kata Iveljić, Pero Obad, Fikret Alić i Sinan Husić.

Sjednici nisu prisustvovali: Milan Mandilović i predstavnik ministarstva energije, rudarstva i industrije.

DNEVNI RED

1. Usvajanje zapisnika sa 2.(103) sjednice ESV-a i nastavaka sjednica održanih 06.07.2015, 13.07.2015, 15.07.2015. i 21.07.2015.godine;
2. Zakon o uvezivanju radnog staža u Federaciji BiH (radni tekst);
3. Zakon o sigurnosti i zdravlju na radu;
4. Inicijativa Poslodavaca:
 - a) Zahtjev za izmjenu Uredbe o visini godišnje naknade za javne ceste koja se plaća pri registraciji motornih priključnih vozila u FBiH;
 - b) Zahtjev za izmjenu člana 94. stav 4. Zakona o penzijsko i invalidskom osiguranju i Pravilnika o utvrđivanju radnih mjesta na kojima se staž osiguranja računa sa uvećanim trajanjem;
 - c) Inicijativa za izmjene i dopune Zakona o računovodstvu i reviziji u FBiH;
5. Razno

Predsjednik Ekonomsko socijalnog vijeća obavijestio je socijalne partnere o sastanku sa zamjenicom šefa misije Kraljevine Holandije na kojem je predložena suradnja između ESV-a. Partneri su prihvatili ponuđenu suradnju i dogovoreno je da se preko ambasade Kraljevine Holandije uspostavi kontakt sa njihovim ESV-om.

Dnevni red je usvojen.

Ad. 1

Primjedba predstavnika Sindikata na zapisnik 2-103 sjednice ESV-a sa nastavcima bila je da u zapisnik nije unešen prijedlog Sindikata da se pregovori oko teksta Zakona o radu nastave 28.07.2015.godine. Pošto se predstavnici Vlade i Poslodavaca s tim nisu složili, jer je njihov prijedlog bio da se nastavak održi 21.07.2015, predsjednik ESV pozvao je partnere da se dogovore i svoje prijedloge za datum održavanja naknadno dostave. U zapisniku tako stoji sljedeće:

„Prijedlog članova delegacije Poslodavaca i Vlade bio je da se nastavak sjednice održi u utorak, 21.07.2015. godine. Ispred Sindikata gđin. Bajramović je predložio da se u utorak 21.07.2015.godine u 10:00 sati održi sastanak Kolegija ESV-a na kojem bi se dogovorili o narednoj sjednici, s napomenom da su predstavnici Sindikata slobodni od 28.07.2015.godine“.

S obzirom da se, prema ranijem dogovoru za poboljšanje efikasnost održavanja sjednica, zapisnik sa održanih sjednica šalje e-mailom prije zakazivanja i početka naredne sjednice, od socijalnih partnera je još jednom zatraženo da se očituju po prijemu zapisnika kako bi se eventualne primjedbe blagovremeno ugradile.

Imajući u vidu sve navedeno, usvajanje zapisnika sa 2-103 sjednice ESV-a odgođeno za sljedeću sjednicu, uz eventualno očitovanje socijalnih partnera putem e-maila.

Ad. 2

Nakon uvodnog izlaganja Kenana Spahića iz Federalnog ministarstva rada i socijalne politike, koji je vođa grupe za izradu Zakona o uvezivanju radnog staža u Federaciji BiH, predstavnici Poslodavaca iznijeli su mišljenje da Zakon treba dopuniti, formulirati i pojasniti. Također smatraju da radna grupa treba biti proširena sa predstavnicima Poslodavaca i Sindikata. Smatraju da trenutno postoje neprihvatljiva saznanja da: 1) državna preduzeća ne moraju platiti doprinose, a privatni poslodavci moraju; 2) sramotno da se radni staž uvezuje nekome ko je primao ogromnu plaću i nije plaćao doprinose u odnosu na radnike sa niskom plaćom koji nisu plaćali doprinose. Ističu da su za uvezivanje radnog staža pogotovo za radnike sa zagarantovanim i niskim ličnim dohotkom.

Premijer Vlade Federacije slaže se da Zakon nije uvijek pravedan, ali je naglasio da je neuvezani radni staž najveći društveni diskriminator i da su na rješavanju tog problema već poduzete određene aktivnosti.

Zaključak:

Ekonomsko socijalno vijeće traži od Vlade Federacije BiH da proširi radnu grupu za izradu Zakona o uvezivanju radnog staža sa po jednim članom Poslodavaca i Sindikata. Utvrđeni Nacrta zakona treba dostaviti ESV-a na razmatranje.

Ad. 3

Iz Federalnog ministarstva rada i socijalne politike o Nacrtu zakona o sigurnosti i zdravlju na radu govorila je gđa. Džana Kadribegović.

Nakon rasprave o pojedinim članovima Zakona oko kojih nije postojala usaglašenost socijalnih partnera, zaključeno je:

- **Da se uz Zakon napravi i terminološki rječnik koji bi preciznije prikazao odredbe zakona;**
- **Da se formira radno tijelo od predstavnika Poslodavaca i Sindikata radi usaglašavanja teksta Zakona;**
- **Resorno ministarstvo donijeće konačno rješenje za stavove koji ostanu neusaglašeni u narednih 15 dana.**

Ad.4

- a) Na inicijativu Poslodavaca raspravljalo se o izmjeni Uredbe o visini godišnje naknade za javne ceste koja se plaća pri registraciji motornih priključnih vozila u FBiH koja dodatno opterećuje privredu. Premijer je naveo da Vlada Federacije BiH već radi na sličnim odredbama, te da će materijal Poslodavaca proslijediti komisiji koja to radi.

Zaključak:

Ekonomsko socijalno vijeće traži da se Uredbe o visini godišnje naknade za javne ceste koja se plaća pri registraciji motornih priključnih vozila u FBiH stavi van snage na sljedećoj sjednici Vlade FBiH.

- b) Poslodavci su tražili da se izmjeni člana 94. stav 4. Zakona o penzijsko i invalidskom osiguranju i Pravilnika o utvrđivanju radnih mjesta na kojima se staž osiguranja računa sa uvećanim trajanjem. Fond PIO i Upravni odbor, mimo svojih ovlaštenja, obavezao je poslodavce da izvrše i plate reviziju radnih mjesta, dok u drugim zemljama to radi Vlada. Resorno ministarstvo nije reagovalo.

Zaključak:

Ekonomsko socijalno vijeće predlaže Vladi FBiH da preko nadležnog ministarstva preispita rješenje vezano za reviziju radnih mjesta na kojima se staž osiguranja računa sa uvećanim trajanjem

- c) Na inicijativu Poslodavaca za izmjene i dopune Zakona o računovodstvu i reviziji u FBiH, ministrica Federalnog ministarstva financija rekla je da se planira Okrugli stol sa predstavnicima Poslodavaca i Revizorske komore kako bi se ovo pitanje detaljnije raspravilo i riješilo.

Zaključak:

Ekonomsko socijalno vijeće podržava organiziranje Okruglog stola vezanog za izmjene i dopune Zakona o računovodstvu i reviziji u FBiH radi pronalaženja prihvatljivih rješenja.

Ad.5

Pod ovom tačkom Premijer je upoznao socijalne partnere o opravdanosti uvođenja nove akcize: tražnja za naftom i ponuda goriva neelastična. Sredstva su potrebna za gradnju 163 km autoputa, a otvoriće se i novi kredit.

Akcize na pivo i duhan će se povećati i usmjeriti u zdravstvo, gdje će se prema SSP-u vezati uzrok i tretman izazvane posljedice.

Predsjednik ESV-a pozvao je partnere da pošalju prijedloge tema za sljedeću sjednicu. Kolegij ESV-a biće održan početkom sljedećeg mjeseca.

Sjednica Ekonomsko-socijalnog vijeća zaključena je u 18:30 sati.

Zapisnik pripremila
Snježana Kapić, MBA & mr.sci

Predsjednik
Ekonomsko-socijalnog vijeća
Edhem Biber